

Universitätsbibliothek Paderborn

**Compendiolvm Vitæ Admirabilis Et Pretiosæ Mortis B.
Rosæ De S. Maria Limensis Peruanæ, Tertii Ordinis S. P.
Dominici à S. D. N. Clemente IX. Beatis Annumeratæ**

González de Acuña, Antonio

Augustæ Vindelicorum, 1668

Capvt XI. Rosa, cum Christo, Deipara, & S. Catharina Senensi familiariter,
jucundè, assiduè deliciatur, domestica tutelaris Angeli consuetudine
fruitur, variè luctatur cum dæmone semper victrix.

urn:nbn:de:hbz:466:1-44063

purgativum vix attigisset; quodque in horren-
do illo tenebrarum tormento quasi certaverit
cum Deo, tristisne ille affligeret, an illa vellet
affligi; adeoque non solùm ferendo fuerit, sed
& quotidie triumphaverit. Sanè apud omnes
quotquot Limæ tunc aderant, & aderant mul-
ti consummatæ virtutis fama celebres, invalue-
rat constantissima opinio, Rosam spiritu Dei
agere, & agi, & sapientia cœlitus infusa guber-
nari. Quædam Sanctitatis nomine celebris fœ-
mina, sicubi cum ea concurrisset, flexis humili-
genibus repugnantem excipiebat, & eodem
corporis habitu ad eam litteras dabat, ac ubi
Rosa vestigium fixerat, gestiebat os & oculos
applicare.

C A P V T X I.

ROSA, cūm Christo, Deipara, &
S. Catharina Senensi familiariter, jucun-
dè, assiduè deliciatur, domestica tutelaris Ange-
li consuetudine fruitur, variè luctatur
cum dæmone semper vi-
ctrix.

NOn solùm post internas animi nubes di-
vini solis manifestus vultus Rosam exhila-
rabat, sed aliàs quàm særissimè videndum se
præbebat amantissimæ Virgini: dum sacros Ro-
sa libros percurreret, parvus Amor vix digitu-
statura procerior obambulabat paginas passu-

levissimo, & interim sereno, suavique obtutu
Sponsæ suæ blandiebatur: dum telas consue-
ret, laborantis pulvillo quietissimè insidebat,
arridebat ridenti, breves protendebat ulnas,
velut offerens amplexum; omniq[ue] gestu, ac
motu protestabatur amorem suum: has verò
delicias frequentes Rosæ obtigisse, imò ferè
quotidiè, argumento est, quod si ille tardebat,
Sponsa querulis vocibus lamentabatur, utque
amor Poësim docet, suas querelas familiari me-
tro illigabat. Ex gutturis dolore aliquando
laborantem Sponsus invitavit ad ludum, & vi-
ctrix Rosa suos mitigari dolores poposcit, &
impetravit. Divinus verò collusor jaeturam
non ferens ludum instauravit, & cum illi pro-
sperè alea cessisset, & victoriæ præmium quæ-
sivit, augeri tolerantiam Rosæ, ideoque pri-
mos illius dolores geminavit. Hoc dum blan-
dè, modestèque narrat Matri, ne illa ob suam
ægrimoniam contabescat, visa est aliquamdiu
vultu Angelico radiare. Aliàs cum in horten-
si cella nocte concubia viribus destituta fo-
mento indigeret, sui lateris ambrosiam deli-
bandam cordi Virginis Christus obtulit, uti
quondam Catharinæ Senensi, cuius proinde
Virginis non alumna solum fuit, sed etiam
Collactanea. In illustris fæminæ domo post
sancta colloquia de more secessit ad orandum,
& septennis puella juxta Rosam vidi Puerum
Jesum multiolori amictu indutum, & radiis

co-

coruscantem. At in aliis ædibus Isabellæ Mexicæ visus est divinus infans consertis cum illa manibus in porticu obambulans miscere colloquia, hærere in Sponsæ vultu, tanquam rerum omnium oblitus, & quacunqne fixisset pedem, improviso lumine fulgebat pavimentum. Quid quòd mutui amoris adeo sollicitus erat Sponsus divinus, ut ne florem quidem in consortium venire pateretur. Invenit aliquando Rosa eradicatorum flores, quos in horto studiosius alebat, & ob id dolenti Christus occurrit!, ac dixit: An non ego flos campi melior quovis Paradisi floreto? Flos es, ac flores amas! Mihi tuos amores indulge. Ego illos eradicavi, ac projeci. An non hæc fidem faciunt visioni fœminæ cuiusdam religiosissimæ, cui protestatus est Christus, à se Rosam gestari in pentalibus cordis, seque vicissim in ejus virgineo pectore tranquillissimè habitare. At Cœli Regina quam frequenti alloquio, aspectuque Rosam dignaretur, vel ex hoc intelligi potest, ut paucis multa complectar, quod cubiculariæ officia illi exhiberet, manè Virginem à somno excitando. Illam à multo tempore destituerat necessarius somnus, cui conciliando moderatores animæ præcepere vespertinum lactucæ, ac soporiferorum seminum usum; sed cum vix hæc inducerent quietem dum instabat hora surgendi, cruciabatur Rosa, quòd ad præscriptam horam evigilare non posset. Ergo Deiparam stellam

Iam matutinam vocavit in vota, quæ cum immineret hora surgendi, aderat conspicua, & voce nectarea dormientem compellabat his vocibus: Surge ad orationem, filia, surge nam instat hora. Cum aliquando Rosa in lectulo consedisset, sed prægravante somni pondere in cervical esset relapsa, redivit Augustissima excitatrix, niveaque manu pulsavit dormientis latus, Surge, dicens, filiola, ne pigriteris. At illa vice Rosa abeuntem vidi à tergo Deiparam suspensis vestigiis, cuius alias materno vultu solita erat impleri, illam cominus intuita, uti fassà est, deoque facie ad faciem. Ex quo semel à Christo data illi fuit Magistra Catharina Senensis mutua harum Virginum colloquia, tam amica, ac crebra fuerunt, ut veluti in Moysi vultum post divinum consortium sic ex vultu Catharinæ in Rosæ faciem lumina transiverint, quæ hanc illi per oris lineamenta propemodum assimilarint. Hinc apud omnes Rosa altera Catharina Senensis dicebatur, præcipue ab obitu, cum illius facies in feretro videnda omnibus patuit. Cum tutelari Angelo domestica illi necessitudo intercessit, illum legabat ad Sponsum, si forte hic hora consueta non adfuisset. Nocte quadam in Eremo sua sensit vires ex improviso languere; ideo redivit ad Matrem, quæ instantis deliquii signa notans in filiæ vultu, jussit ancillæ, adire subito vicinum propolam, & emere libum Indicum, quod Chocolatam vocant. At Rosa ro-

ga-

gavit Matrem, ut sumptui parceret, affirmans, sibi potionem illam non defuturam. Subirata Mater, Ancillam urgebat ad opus. Sed Virgo, mox, inquit, aderit ē Quæstoris domo, qui calentem deferet Indorum ambrosiam. Et quis hoc noctis Quæstorem admonuit de imminenti deliquio tuo? addebat Mater. Cum ecce Quætoris servus vas affert argenteum calenti Chocolata plenum. Attonita parens obedientiæ vinculo filiam adegit, ediceret, unde compererit, affore sibi remedium. At illa subridens, sèpè me, inquit, hujusmodi dignatur officiis Angelus Tutelaris, illum misi, qui admoneret Quætoris uxorem de medela qua indigebam. Solebat Mater ante medium noctis horam aprire ostium horti, ut inde filia se domum recipere. At quondam oblita cum esset, Rosa per fenestram Cellulæ suæ vidi umbram candidam motu decoro agilem, aspectuque non injucundam, quæ virginem, ut se domum versus sequeretur, invitabat. Agnovit illa sub umbra latenter Angelum suæ custodiæ destinatū, cumque illo se dedit in viam, ut ad horti januam pervenire, hæc ad umbræ tactum sponte patuit. Sed & aliorum Tutelares Angelos sibi ad nutum habuit obsequentes. Exemplo sit vir quidam ē religiosa familia, qui peregrè profectus Rosæ preces flagitavit pro itineris periculis divertendis; At cùm diu iter tutissimum habuisset, in Truxilli convallibus gravia quæq; per-

percessus est, ac deinde Limam regressus cum Rosa conqueri cœpit, quòd se destituisset: Virgo id accidisse dixit, quia non ille tunc fuerat Peregrinus, qui esse solebat, & hominem admonuit de arcanis ei solummodo notis quæ non nisi Angelo internuncio Rosæ potuerant innotuisse. At quantum illam Sanctissimi Angeli amabant, tantumdem oderant furiæ tartareæ, quæ aliquando palam cùm generosa puella certarunt. Ingentis molossi forma semel in horiti cella per tenebras aggressus est Rosam malignus Tenebrio; pertentavit irrito moratu virgineum corpusculum, quamque discerere non poterat, diù raptavit per solum, quo usque Rosam his vocibus: Ne tradas bestiis animas confitentes tibi, hostem egit in fugam. Fuit, cum ex insidiis adrepens Cacodæmon improvsum ei colaphum incussit. Cum saxum in eam libravit eo connisu, ut euntēm ad humum affixerit: Cum in secreta ædium parte orans Rosa, vedit in prægrandi Sporta teterimam belluam licentiūs tumultuari, ac dedignata quācunque solatio lucis uti candelam extinxit, & hostem in arenam provocavit. At ille Gigantea mole profiliens per humeros corripuit Virginem, strinxit, contorsit, quasi laceraturus obliquantem: & omnia quidem puellæ ossa commolita videbantur, nervique distracti, at infractus animus risit furentem Cyclopis insaniam. Animadversum est, frequentes hos Virgini suis

se, agones, nec unquam formidinis ab illa sensum expressisse, quando feroci vultu animorum prædo irruerat. Sed aliquando cum in horto specie formosissima ac penè mutatus in Angelū lucis illi astitisset, & procum ageret, à nobili fuga victoriam quæsivit illicò Rosa, & in propinquō porticu ferrea catena correpta nudos sibi humeros flagris acerbissimis cruentavit, interque sanguinis, & lachrimarum rivos de Sponso conqueri cœpit quod se tunc destituisset. At ille manifesta luce conspicuus Rosæ vultum exhilaravit, ac dixit. Ni tecum ego fuiss' em, tune victoriam reporrasses? Germana planè sunt hæc iis, quæ Sanctæ Catharinæ Senensi in certamine simili contigerunt, cui Virgini collata munera Sponsus in Rosam quoque congesuit: velut etiam mirabile donum internoscendi sinceras visiones ab illusionibus Satthanæ, quo floruit à pueritia, at tunc temporis eruditè recensuit regulas distinguendorum spirituum ab effectibus, quos in anima pariunt: Has olim Christus Catharinam docuit, hæc Rosam, quæ sunim adeò Magistram expressit, ut si ad Indos accessisset fama erroris Pythagoræi de transmigratione spirituum, quamplurimi credidissent, Catharinæ animum in Rosæ corpus ingressum.

* *

*

CAPUT